

瓊山縣志卷之十七

金石

新建萬壽宮記

碑高六尺濶二尺二寸篆額

瓊郡古稱海外名邦而文事武功則至聖朝而大備地雖去京師甚遙而臣下奉職何若則無一不在九重坐照之中官茲土者何敢不共矢寅清以敬事者敬告君時慄咫尺天顏於夙夜哉是臣子之分其翼翼小心固不待歲時朝賀始昭昭以致恪恭也而值舉慶典則尤所當兢兢焉然則祝聖之官固禮所首崇歟前此缺而未舉非今之所敢安也臣庶與前郡守李毓元商之鎮臣武進陞及諸將弁敬謀所以舉其禮制者各願捐俸

以襄厥工自總鎮而副參遊守自道員而府廳州縣雖
捐數有差等而藉伸葵向之心則一爰卜地於城之西
南特建萬壽一宮外立東西門由是進爲正門列兩掖
於傍入則左右有朝房而重門居其中自兩傍入仰觀
皇亭嶽嶽儼然金殿玉陛遙臨海外焉工成之時正逢
萬壽聖節諸臣行慶賀禮紳耆民黎亦咸歡拜呼嵩瞻
仰浹旬每相率歌舞慶爲太平盛事惟其淪浹於教養
百年者甚深故其尊君親上之心觀感興起極敬悅欣
暢之致而不自知其所以然也若是乎聖天子之聲靈
赫濯海外軍民猶且若將見之況我臣子俯伏拜揚如
覩齋宮如仰皇慶懍爾心志戢爾威儀能不益勵其寅

清敬事俾文事武功益彪炳於海外名邦耶即後之効

職茲邦者此心同此敬同雖千萬年其將恪恭如今日

斯舉所繫蓋綦重矣哉是役也督修者瓊州府經歷司

路現廣豐倉大使錢汝隨呈規式效指畫者邑之庠生

鍾世聖也鳩工於乾隆四年己未上冬至次年中秋而

告成焉爰識其端末垂之來茲俾考禮制所由益備云

分巡雷瓊兵備道臣劉庶恭撰 瓊州府知府臣李毓

元 瓊州府海防同知臣靳光耀 瓊山縣知縣臣杜

兆觀 瓊州鎮守總兵官臣武進陞 中軍遊擊兼署

左營事臣劉啟宇 瓊州水師副將臣高華松 鎮標

右營遊擊臣哈雲棟 督修經歷臣路琨庫大使臣錢

汝臨

大清乾隆五年歲次庚申冬月立

瓊南聖壽節記

歲在癸丑仲秋之十有三日恭逢

皇帝聖壽令節

分巡雷瓊兵備道臣張昭美
瓊州鎮水陸總兵臣黃有才

各率僚屬

於是日將旦齋詣

萬壽宮行慶賀禮前後凡六日坐

班如朝儀躊躇濟濟肅敬雍和以應

天庥自七月十

八日日或一至雨甚至八月之九日乃止越明日即慶

日之初朝也碧空如洗靄靄星輝風清和穆

萬壽宮

左右暨各署衙宇民居多有嘉樹名花望之青蔥揚之芬馥禽鳥之音紛流如管絃蜂蝶深深款款誕彌厥期

若競獻媚茲者蓋嶺南之四時皆夏而瓊南爲最也其
紳士耆老下逮童稚並於正節日伏拜 萬壽宮之門
外旋則手舞足蹈同觀演劇而爲之致賀也其熙熙居
閭巷者或絃歌或聚飲肆筵匝地歡聲沸天節不必效
擊壤而氣象同詞不必襲華封而氣味同同始終先後
之期焉於時文武員每旦禮畢退亦相集飲射投壺爲
歡人不必善飲而飲無不醉者不必善射而射無不中
者不必善投壺而投壺無不獲勝者蓋舞_{時恍如觀}之天顏晏樂時儼若冰湛露之天恩也
臣珪美於燕衍之
臣有才餘乃顧羣僚曰君等知我輩今日之樂乎瓊南地介天
未距京師萬里山海窅阻水土異宜民黎雜處號稱難

治憂勞之念尤厯宸衷况官斯土者乎幸際天子聖
神澤浹海外方隅寧謐民物安阜加之曰雨曰暘維時
維若饑歉無虞寇盜罕聞洵爲海南希有而况此數日
者氣融地表雲歛天端形神偕暢觀聽並集而文武諸
員協恭同寅上下交洽賓主迭爲式燕其樂何如雖四
海晏安普天同慶萬方之樂大抵觀是是在瓊南者實
屬不易致之遭逢也臣孔傳派等咸避席而起曰某等
碌碌賴二公表率下以爲民上以爲國允協輿情感召
天和始克獲此二公勉勉弗倦歲歲有此樂矣臣張昭美
笑而頷之遂命臣宋鐫捧筆而爲記

分巡雷瓊兵備道

臣

張昭美

瓊州府知府

臣

孔傳派

瓊州府海防同知 臣 宋錦 儋州知州 臣 姚廷光 萬

州知州 臣 朱宣 崖州知州 臣 趙宏文 瓊山縣知縣

臣 楊宗秉 署瓊山知縣 臣 左鵬 文昌縣知縣 臣 梅

紹王 署文昌知縣 臣 王德地 澄邁縣知縣 臣 張必

剛 定安縣知縣 臣 王璋 臨高縣知縣 臣 張璋 樂

會縣知縣 臣 劉以禮 會同縣知縣 臣 李光華 陵水

縣知縣 臣 田宏祚 昌化縣知縣 臣 李孔標 感恩縣

知縣 臣 林釐 瓊州府教授 臣 鍾南麟 瓊州府訓導

臣 寥嗣莊 瓊山縣教諭 臣 劉象年 瓊山縣訓導 臣

黎天棟 鎮守廣東瓊州等處地方總兵官署都督同

知 臣 黃有才 瓊州鎮標中軍游擊兼署左營事 臣 劉

啟宗 協守瓊州水師營副將臣高華松 瓊州鎮標

右營游擊臣哈雲棟 委署瓊州水師協標中軍都司

臣何士鈞 左營守備臣陳國英 右營中軍守備臣

呂文輝 瓊州府海防同知臣宋鏞恭撰 瓊山縣知

縣臣左鵬書丹

乾隆八年八月吉旦敬勒

案會同縣李光華樂會縣劉以禮府志職官以爲九年
十年任據碑立於八年則李劉二知縣必是八年任斷
無未到任而碑預刻其名者府志有誤又誤光華爲安
華左營守備陳國英志亦不載是其遺漏

新建武廟碑記 存

古者爵莫貴於公侯是故先王之制祀典五嶽視三公
四瀆視諸侯祝號牲幣咸依其班沿及後世遞有增飾
我國家禮樂修明超越千古懷柔百神典章布昭洪纖
畢舉莫可殫述恭逢世宗憲皇帝德參造化誠格幽明
以故尊崇武廟隆以帝號歲凡三祭倣崇聖祠之制追
封三代公爵祭於後殿我皇上復增歲事之費頒祝嘏
之文昭報之隆亘古僅見斯誠禮制崇隆神人胥悅也
已余膺簡命備兵雷瓊下車後遵禮參謁廟在道署右
畔抱珥山巔即所稱瓊臺也明初改建歷今垂四百年
基址偪仄不合程式明宮齋廬並無其所思念春秋將
祀文武咸集難於成禮而且多歷年所瓊甌傾敝榱桷

朽腐非更張而恢宏之其何以妥神靈而昭國家備極
崇祀之大典歟公務餘暇遇有司進見與論吏治得失
自簿書錢穀而外凡一切壇廟爲秩祀攸關者靡不講
求素知瓊山令楊君遠感具敏練才又勇於公事乃集
文武僉議移建之事而以土木之役畀楊君董其成於
是擇地其於府學宮之西東西得八丈有五尺南北二
十有五丈各捐廉俸都得一千二百餘金庀材鳩工興
役於乾隆九年十月越明年五月訖功夫因陋就簡吏
治之所以日竄也奮庸興事風化之所以維新也而衆
志輯睦詢謀僉同協恭之所以共濟也是役也轉移在
跬步之間舉昔日之棟宇垣墻酌量而增廓之遂覺規

模宏敞體製尊嚴與徽號爵秩赫奕相稱可不謂用力
少而成功多也歟欽惟聖訓諄諄君民上者不得以官
爲傳舍然則廟宇之規必合禮制而諸君子不生異議
不辭勞瘁俾海外荒鄙之地曉然於祀事之鉅典斯亦
無忝厥職之一端也故於落成也礱石而爲之記
分巡雷瓊兵備道謝樞撰

乾隆十年歲次乙丑冬十月立

新建蘇泉書院記

瓊士之以能文著也自宋姜唐佐始也瓊士之與於進
士科第也自宋陳孚始也河源涓滴僅資濫觴迄乎有
明盛時而瓊山邱文莊公出焉領鄉解掇高第同翔玉

署容與黃扉而且著述等身巍然爲一代大儒後進之士親炙興起咸思淬勵成立致身通顯而科名鼎盛仕宦顯榮藐茲一島四州幾與吳楚同風然讀文莊家傳載其天生異質讀書過目成誦既領解額赴春官試不第則詣太學以卒遠業旅食京師者凡八年記此八年所得於名公鉅卿之議論丰采直諒多聞之切劇觀摩與夫蘭臺虎觀之藏天祿石渠之秘所以開擴其見聞增益其心性者不爲不多矣其資之敏也如彼而學之專且人也如此以此知遠到之器不朽之業爲偉男子所自樹立而非簡陋因循者不能幾也國家文教覃敷浸滂周匝百年以來海隅徼塞四方萬里之外荒山

僻壤之士皆知奮興不甘自棄於堯舜之世乾隆九年
余膺簡命典郡斯地月課諸生及歲科試童子求所爲
切理脉而合繩墨之藝絕少間一有之亦乞靈於鬼園
冊子而已細推其故大抵一矜已青便束書不觀至有
老牖下終身不一赴秋闈者人事不齊因而科名仕宦
落落如晨星不得謂人材囿於地方也雖然惰窳成風
咎不獨在下也鼓舞董勸司民牧者實操化導之權余
乃擇勝於浮粟井旁爲建書院之計適瓊令楊君遠感
雅有同志乃俾之董其成合捐廉俸塹山填壑建講堂
繕學舍備器用計爲屋四十八間計費白金二千餘兩
時日十閱月而役畢於是延師以課之膏火以飲助之

多購經籍以醞釀之曾子固有言士有聰明樸茂之質而無教養之漸則其材不成是則余與令之任也傳曰學猶殖也不殖將落是則汝諸生之任也諸生肄業此間遊蘇公之宇飲蘇公之泉想像遺徽既有以澡雪其精神而且曉望晚眺值夫碧溪新漲悟風水之渙我以文章也綠野香荷欣池沼之貺我以君子也秋則亭前皓月占蒙養之正冬則檻外寒秧見天地之心矗兀淩門而有初暘之塔影清輝拱几而有百雉之霞光由是觀之四時之變易晦明風雨之勝景其足以相機而拓文心又當何如有志者能勿蹶然興歎故於其落成也勝之曰蘇泉書院而詳述鄉先輩之所以盛繼此之所以

哀與今日欲復還於盛之機以懲勸諸生而勒於石俾後之人得以觀覽焉

瓊州府知府閩中于需撰文

瓊山縣知縣絳州楊宗秉書丹

乾隆十一年歲次丙寅冬月立

蘇文忠公石刻像贊

飛仙耶此公春夢耶此公公自以爲七尺頑軀耳然而
髯之絕倫逸羣也則視千古而尤雄彼秉釣者誰氏何
爲乎使反不安於汴而貶謫乎粵東迄今七百載矣吾
猶遇之循州之郭白鶴之峰

案此石像由惠州摹本人刻觀贊結二語自見其年已

山縣志
卷一
人能辨識碑原在蘇泉書院故編於此今在蘇公祠
新建普濟堂記

瓊之俗信巫不信醫瓊之異產足以聚四方之客而地
又處南離之極火行獨旺以故五運六氣之沴迴異海
北而蒸爲黎瘴颶爲海風境外人多不相宜於是隻身
徒手之客深入黎歧致貨海口以逐蠅頭之微者冒嵐
風衝蛋所怛易爲所中傷夫貧民爲衣食所累輕去家
鄉以謀錙銖斯已悲矣乃又貿貿焉客於風土炎熱俗
不信醫之瓊迫其病也扶持無人調攝無資煢煢一身
形影相憐斯固濟人利物之君子所惻然動念者也乾
隆五年前令杜君率士商創藥王廟一座三楹廚房一